



Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XVIII. Non recte judicare, qui librum de Mundo, Aristotelis nomine inter aliae ejus volumina publicatum habitumque, genuinum ejus esse foetum negant. obiter de Prooemiis, & catalogo librorum ...

urn:nbn:de:hbz:466:1-13245

MISCELL. OBSERV. CAP. XIX. 139
psisset, si quo tempore scribebat, cum locum Procli in me-
moria habuisset.

C A P U T X I X.

*Non recte judicare, qui librum de Mundo, Aristote-
lis nomine inter alia ejus volumina publicatum ha-
bitumque, genuinum ejus esse factum negant. obiter
de Proclis, & catalogo librorum Aristotelis.*

 Uia me alias complurium doctorum virorum exemplo, loca ex eo libro, ut *Aristotelis γνῶσις* citare memini; alii autem non pauci neque indocti ambigunt, an sit recte ei adscriptus; immo genuinum ejus esse opus plane inficiantur, & conjecturas proferunt, paucis sententiam meam, de hac controversia, aperire decrevi. Sic existimo, nullam rationem idoneam afferri posse, qua non esse id scriptum *Aristotelis* probetur: neque esse, cur quisquam vereatur loca ex eo proferre & sententias nomine *Aristotelis*; quod si ab ipso *Aristotele* editum non est, certe ab homine placitorum ejus peritissimo, ac bono Peripatetico elaboratum esse oportet: Ita nihil in eo reperiatur, quod Peripateticorum principis sinceram doctrinam non redoleat. Primum igitur argumenta illa, quibus Recentiores viri docti hunc librum ex operum *Aristotelis* catalogo expungunt, proponam deinde expendam, & nullius esse momenti probabo.

Petrus Victorius (ab hoc enim ordiri placet disputatio-
nem) lib. 25. Var. Lectionum cap. 13. hoc primum argu-
menti affert: longe diversam in eo libro deprehendi tra-
ctandi methodum & rationem, illi qua in suis libris solitus

uti

uti *Aristoteles*: in quibus omnia diligenter & enucleate atque exquisite traduntur: hic populariter, pingui *Minerva* & *historice*. Addit libri hoc titulo inscripti nullam mentionem fieri, neque a *Laertio* in catalogo librorum *Aristotelis*, neque ab ullo interpretum Græcorum. Tertio *Jacobum Tuscanum* testem citat, qui item hunc librum non esse *Aristotelis* censeret, hac conjectura sane validissima, quod hic liber contra morem *Aristotelis* elegans & bene longum proœmium habeat. Postremo citatum cum honore *Platonem* in calce hujus libri, quod nunquam alias *Aristoteles*. Quibus *Muretus* addit stili dissimilitudinem lib. 2. *Var. Lection. cap. 8.* quam qui non videat, nihil omnino videre posse decernit. In eodem albo est *Jul. Cæsar Scaliger*, qui pariter hunc librum notum pronuntiat in *Exercit. 362.* sed longe graviore censura; non solum enim phrasim ab *Aristotelica* diversam sed & doctrinam notat, immo sententias infames in eo reperiri autumat. Quam obrem operosior nobis cum ipso illo, quam cum memoratis Grammaticis futura est disputatio. Qui quanquam magnus fuit admirator *Aristotelis*, & in ejus doctrina apprime versatus (hoc enim nunquam satis laudatum illud opus *Exercitationum* passim & ubique clamat) non tamen nobis hac tam superba & atroci censura imponet, cui tam dilucida ex confessis *Aristotelis* libris loca opponam, ut qui vel maxime ei farent (in quibus me esse profiteor) locum ad eum excusandum si velint, habituri non sint.

Nunc ad eorum conjecturam & argumenta venio; atque eodem ordine quo sunt proposita, dissolvo. Quod igitur *Victorius* diversum in hoc libro *de Mundo* modum tractandi arguit, ab ea methodo, quam in aliis *Aristotelis* libris observamus, hoc nihil aliud probat, nisi hunc libellum non esse in eorum numero, qui ἀνταρμόδιοι dicuntur; sed in eorum plane qui exteris & vulgo editi & δηλεγόντες, extranei vocantur. Quod ultiro fatemur & agnoscimus.

Scri-

Scriptus quippe ad *Alexandrum Regem*, ut titulus indicat, ideoque faciliore, quam alii stilo & aperto orationis plausibile filo ; ut decet Regibus scribentem, ut illi universæ naturalis scientiæ compendium esset. Quo pacto & objectionem a stili discrepantia ductam removeo. Nihil enim hac solutione verius. Nec video alioqui, quid sit necesse non modo *Aristotelem*, sed & quemcumque auctorem ita esse unius normæ in rebus tractandis atque in scribendo tenacem, ut nunquam ab ea vel latum, quod ajunt, unguem deflectat, cum ipsum *Aristotelem*, de quo est nobis disputatio, multo faciliore orationis cursu in *Moralibus*, *Politicalis*, *Rheticis*, quam in naturali *Auscultatione* & *Metaphysica* fluere constet. Nullius igitur momenti hæc ratio : Patetque *Victorium* & *Muretum*, tunc cum hoc genere argumenti uterentur, non habuisse in animo nulli ignotam *Aristotelis* voluminum divisionem in *acrosticata* & *exoterica*.

Non minus vanum, quod idem arguit non notari hunc librum in catalogo, quem dat *Laertius operum Aristotelis*, ceu nihil in hoc genere latere hunc auctorem, vel certe præterire memoriarum vitio non potuerit. Quot enim alia ejus philosophi citantur ab auctoribus, quorum nec ulla in eo indice fit mentio ? ostendant mihi in eo indice, *Peplum Aristotelis* ab *Homeri Scholiaste* citatum. in quo (ut ex *Porphyrio*, *Cælius Rhodiginus* refert) Ducum genealogias, & navium numerum ad Trojam profectarum ; & epigramma-ta, ac insuper disticha in singulos Duces, præterquam in Ajacem, exsequebatur, ostendant. in eundem *Homerum* commentarios a *Phrynicho* laudatos in vocum Atticarum Ecloge ; voce Εασίλιος : Α'λκαιον (inquit) Φασιν τὸν κωμωδοποιον, ηγετολέλειν τοῖς Ομήρος απομνημονεύμασιν ἐιρηνέας &c. item ejusdem *Aristotelis* libros παραδόξων, quorum meminit *Plutarchus* in tractatu παραλλήλων Ελληνῶν : tum libros ζωικῶν ab *Apollonio* citatos in *Admirandis* ; alios utique ab historijs animalium, his scilicet verbis :

Aegi-

A'ριστολέης δὲ ἐν τοῖς ζωιοῖς (δύο γάρ εἰσιν ἀνταρτοὶ περιγραφαῖς
ἡ μὲν ζώων, ηδὲ περὶ τῶν ζωικῶν) &c. Sic quoque eos-
dem citat Athenaeus lib. 7. cap. 9. & Aristotelem laudat
ἐν τῷ ζωικῷ ὑπεραφομένῳ, ηπερὶ ιχθύων. Erant autem ζωι-
κὰ quæ in animalibus proveniunt sive animata, pediculi,
pulices, lumbrici & alia id genus: sive inanima & ex-
crementa, ut lacrymæ, sudor, lentes, & reliqua: de
quibus volumina seorsim conscripsérat Aristoteles, ut ni-
hil in esset universa rerum natura, quod diligentiam ejus
fugeret.

Sed neque liber περὶ κυάνων, ab ipso Laertio memora-
tus in vita Pythagoræ, in eo catalogo legitur. quemad-
modum nec liber de Adjutoriis, citatus ab Aureliano lib. 2.
Acut. cap. 13. Non denique citatum ab Alberto Magno
lib. 8. Physicorum, Aristotelis nomine volumen de natura
Deorum. si tamen auctoris illius in literis & antiquitate pa-
rum versati, ratio habenda in hac controversia. At Græ-
ci Aristotelis interpres nusquam ejus libris mentionem
faciunt. certe. Non enim mos eorum est in disputatio-
nibus suis arcessere loca ab exotericis libris philosophi: po-
tius Acroamaticis. tum non, video quid necesse sit nullum
ab iis Aristotelis scripti genus esse præteritum, ut quod in
eorum commentariis non citatur, ab Aristotele alienum
censeri debeat.

Non minus frivolum est, quod de Tusani judicio affert
idem Victorius, non esse Aristotelis hunc librum, qui proœ-
mium habeat initio elegans & copiosum. Quod Victorio
potuisse probari miror equidem; Victorio, inquam, tam
diligenter in Ciceronis lectione versato; nec meminisse
quid Cicero de Aristotelis more in exotericis libris scripsérat
in octuagesima secunda epistolarum ad Atticum lib. 4. Ita-
que cogitabam, quoniam in singulis libris utor proœmiis, ut
Aristoteles in iis, quos ἔξωτερις vocat, aliquid efficere. Ex quo
loco clarum est, non abhorruisse a proœmiis Aristotelem in

exo-

exotericis. Sane præfixum libri *Rhetic.* ad *Alexandrum* initio proœmium videmus, nec minus luculentum isto, quod est in fronte libri *de Mundo.* Quin nec omnes *acroamaticos* proœmiis caruisse certum est. Quippe & accuratissimæ illius tractationis, quæ inscribitur: *ωεὶς Φυσικῆς ἀκρόαστεως,* proœmium agnoscit *Simplicius*, ab iis verbis, ἐπειδὴ τὸ ἐιδέναι; usque ad illa, ἀνάγκη δὲ οὐ μίαν εἶναι. τὸ προσόντιον (inquit) ἐνθύς τὸν σκοπὸν ἐκφάνεται. Sed neque libris *de anima* & *Metaphysicis* deesse proœmium, quisquam dixerit, tametsi non eadem ratio proœmii in *acroamaticis*, atque in *exotericis.* In his dirigebatur oratio ad eum, cuius gratia suscepta erat disputatio, cui & opus commendabatur, ut videre est in proœmio memorati libri *Rhetic. ad Alexandrum.* Quæ eadem ratio proœmii in libro *de Mundo*, tum ejus, quod *Porphyrius* præfixit *introductioni sua ad categorias Aristotelis.* Quæ autem *acroamaticis* præmittebantur, hæc semotis quæ ad rem non pertinerent, propositum libri atque institutum aperiebant, atque ab eorum quæ tractanda essent, fere natura ducebantur, ut potius *exordia*, quam *proœmia* dici deberent. Quod considerans *M. Tullius* citato loco: *Solis Aristotelis exotericis proœmia addita* dicit, *hac que nota distingui ab acroamaticis.*

Non est autem dubium, quin multos ejusmodi libros talibus proœmiis in frontispicio ornatos scripferit *Aristoteles*, qui proprie *exoterici* dicerentur, propterea quod alicujus ad quem scripti erant, nomen præferrent. Sed aliis vetustate abolitis, duo hi duntaxat supersunt, hic scilicet *de Mundo ad Alexandrum*; & alter *Rheticices ad eundem Regem.* Quocirca, nihil aliud, ut dixi hoc argumento efficitur, nisi hunc librum *de Mundo* non esse in classe eorum *Aristotelis* librorum, qui *acroamatici* dicti sunt. Quod non solum fateor, sed etiam profiteor. Quod postremo subjungit idem *Vitellius*, non videri *Aristotelis* eum librum, in quo *Platonem* *verrator*, hoc est, *generosum* appellat, adeo futile est, ut respon-

responsione non egeat: sane in severis illis *acromaticorum* disputationibus, non fere quenquam philosophorum laudat *Aristoteles*, redarguit potius, si quid minus recte ab iis positum videatur; in *exotericis* laudasse, & cum præfatione honoris non dubito: quando & in volumine *questiōnum naturalium*, sect. 30. problemate 1. eorum numero qui in philosophia excelluerunt, *Empedoclem*, *Socratem*, *Platonem* adscribit. De stili differentia, si qua est, satis dictum est: restat ut de doctrina consideremus, an tantum aberret ab *Aristotelica*, quantum *Scaliger* putavit, atque etiam a vera ratione, usque ad infamiam sententiarum, ut loquitur. Postquam enim de quadam absurdâ opinione dixit, & eam improbavit, mox de hoc libro subjungit: *Hanc tamen, aut non valde absimilem opinionem inveni postea in libro de Mundo, qui falso circumfertur sub nomine Aristotelis. Ex ejus quidem libris multa. phrasis alia, ad ναον Ζεύς usque: sententiae infames.* Sane atrox censura, tragica verba: Sed plane ad nihilum redditura. Mittamus phrasim de qua jam satis: sententiam adductam ex hoc libro a *Scaliger*o expendamus: Αὐλὸν (Θέου) Ἐπὶ δὲ ἀνθράκω χώρας ιδεύσῃ, τὴν δὲ δύναμιν, διὰ τῆς σύμπτωσις κόσμος διήκοσαν ἡλιότε κυνεῖν, καὶ σελήνην καὶ τὸ πάντα ἔχον τερείγειν, αἵτιον δὲ γίνεται τῆς τῶν Ἐπὶ γῆς σωτηρίας. οὐδὲν γὰρ αὐλῷ ἐπιτεχνήσεως δεῖ καὶ υπηρεσίας, τῆς παρ' ἐτέρων, ὡς σπερτοῖς παρ' ἡμῶν ἀρχήσιν. i. *Deum summo in loco ita esse collocatum, ut tamen ejus vis per universum Mundum pertinens, tum Solem, Lunamque moveat, tum cœlum omne circumagat, simulque caussam præbeat eorum quæ terra sunt, salutis atque incolumentatis.* Neque vero illi ipsi, itidem ut principibus mortalium, opus est, aut artificiosa molitione, aut alieno ministerio. Ad hunc locum hæc *Scaligeri* est centura: *de Deo* (inquit) sic loquentem faciat *Aristotelem*, cui notus sit octavus *Physicorum*, non ignoratus ille quem e *Methaphysicis* evocabamus? Nimirum duo hic *Scaligerum* offendunt: & quod Deus in supremo Mun-

di fastigio collocatur, & quod manente ibi ejus substantia & circumscripta, ut quidem Scaliger exponit, potentia per universum orbem deducitur: cui consequens putat, ut potentia Dei secundum eum auctorem distinguatur a substantia. Qui tamen (inquit) operam ludit: si sperat se nobis persuadere posse, Deum esse in aliquo ubi: & esse finitum ēν ἀκεράτῃ κορυφῇ: deinde si Dei potentiam aliam esse ab ipso Deo somniavit. Hactenus Scaliger. Cujus judicium statim ex eo libro *Physicorum*, ad quem nos ablegat, confutari potest. Ibi enim postquam demonstravit primum movens unum esse & immobile, deinceps de sede ejus sic textu 84. statuit: αὐτάγαν δὲ ἐν μέσῳ, οὐ ἐν κύκλῳ εἶναι. αὐτὸι γὰρ αἱ σφοδραὶ, αλλὰ τάχισα καὶ νεῖται τὰ ἐγγύτατα ἐν πινοῦντος. τοιάντη δὲ η τὰ ὄλη κίνησις· ἐκεῖ διὰ τὸ πινοῦν. Necesse est autem, aut in medio, aut in circulo esse: hac enim principia sunt, sed celerissime moventur, quae moventi propinquissima sunt: hujusmodi autem est totius motus. ibi ergo est movens. Per medium, intelligendum est centrum Mundi: circuli autem nomine extimus & supremus totius Mundi ambitus, quod aliter primum mobile vocatur: cuius motum, ut moventi ipsi proximi & conjuncti velocissimum esse censet. Ex quo arguit in eo orbe supremo sedem esse moventi primo. Quid igitur inter est primum movens, hoc est, Deus, ἐν κύκλῳ, hoc est extremo universi ambitu esse dicatur, an ἀκεράτῃ κορυφῇ summo culmine & fastigio. Cum quicquid interpretationis ad eum locum ostavi *Physicorum*, tuendum affertur; huc transferre liceat: Sicuti enim quod illie dicitur motor primus esse ἐν κύκλῳ, non intelligitur de ubi propriè dicto & circumscriptione locali; Sic neque hic cum ἐν ἀκεράτῃ κορυφῇ τῷ σύμπαντὶ ὄντεαι ἐγκαθιδρύμενῳ, hoc est, in supremo totius Mundi fastigio, tanquam in propria sede & Solio constitutus dicitur. Sed eo sensu, quem Simplicius ad citatum locum ostavi *Physicorum* affert his verbis: Αὕτη δέλειπτο τὸν ἀπλανῆτα φαῖται πρώτως ἀπολόγου τῆς δημιουργικῆς νομίζει καὶ

νήσεως. Nempe, qua in parte Mundi vis & operatio conditoris & moderantis Dei luculentius appetet, ibi sedem & locum ipsi designatum esse a sapientibus putandum est: non qualis locus competit, qui repleatur, aut comprehendat, sed qualem essentiæ impartibili & inextensæ convenire soli sapientes intelligunt: scilicet ibi est Deus, ubi ejus maxime vis & operatio vigeat: qui secundum se omnem non modo loci, sed etiam naturæ & generis prædicationem transcendent.

Alioqui & in *Scriptura* infames reperirentur sententiae; ut cum Deus apud *Isaiam* cap. 66. sic loquens inducitur: *Cœlum sedes mea, terra autem scabellum pedum meorum.* Immo hominum nationes omnes impiæ, quarum consensu locus Mundi superior Deo assignatur: ut ipse *Aristoteles* in primo de *cœlo* notat: Πάντες γὰρ ἀνθρώποι τε εἰς θεός ἔχοσιν ὑπόληψιν, παὶ πάντες τὸν αὐτοῦ τῷ θείῳ τόπον ἀποδιδόσιν τὴν Σάρκαροι, καὶ οἱ λαλουσες ὅσαι τε εἴναι νομίζουσι θεός, δηλούτι, ως τῷ ἀθανάτῳ τὸ ἀθάνατον συνηγένεντον, ἀθάνατον γὰρ ἀλλως. i. *Omnes homines de Diis habent existimationem: & omnes eum, qui sursum est, locum Deo tribuunt, & Barbari & Graci qui cumque putant esse Deos, tanquam videlicet immortali immortale coaptatum sit: fieri etenim aliter non potest.* Ecce quam & hic aperte *Aristoteles* Deum supremo in Mundi loco constituit? An igitur ob hæc verba, librum primum de *cœlo* esse *Aristotelis* negabimus? Denique *Plutarchus* in primo de *Placitis philosophorum* cap. 7. diversas antiquorum de Deo opiniones referens: hanc Aristoteli assignat: Αἰτιολέτης τὸν μὲν αὐτοῦ τὸν θεόν, εἰδὲ χωριστὸν Επιβεβηκότα τῇ σφάιρᾳ Ξπανλός. i. *Aristoteles supremum Deum separatam formam, universi globo incedentem dixit.*

Non minus iniquus *Scaliger* in his verbis: τὴν δύναμιν διὰ τῆς σύμπαντος κόσμου διήκεσταν ἥλιόντε κινεῖ &c. cum ex his verbis auctorem ejus libri, Dei potentiam aliud esse ab ipso Deo somniasset dicit. Nam profecto ipsius *Scaligeri*

fo-

somnium est hæc interpretatio. Nec satis mirari possum, virum tam acutum, quo sensu manare ac diffundi Dei potentia per universum mundum dicatur, non vidisse: cum enim potentia sive virtus non minus, in *sacris* etiam *paginis* de Deo usurpetur, quam essentia & substantia, cur non eundem modum concipiendi & loquendi tenentes Deum ipsum immobilem stare in supremo Mundi loco; virtutem & potentiam per omnes Mundi partes manare ac diffundi dicamus? neque propterea aliud esse in Deo substantiam, aliud potentiam, ut carpit *Scaliger*, somniamus; Solum hunc ab aliis rebus, quæ virtute ejus subsistunt, distingui-mus. Nihil enim aliud est Dei potentia; quam res ipsæ, prout aptæ, a Deo ejusque munere, essentiam, vim, perfectionemque omnem sibi congruentem suscipiunt. Idem quippe ordo, eadem necessitas, qua cuncta a primo procedunt, in ipsis rebus spectatus, creatio, conservatio, ordinatio dicitur; in Deo ipso, potestas, virtus, providentia, qua ea omnia exsequitur. & qui aliter Deum in Mundo esse, aut re ulla finiti putat, quam per ordinem, quo infra unum primum cetera in suo gradu consistunt, desipit. Veli-mus nolimus, creatio nihil aliud nisi ordinem & principia-tum sonat, eo quod Deus sit quid primum & summum in universo rerum ambitu, sed ita primum; ut tetera ab eo de-pendeant.

Hæc adversus censores istos differere visum est, quod mihi non videntur eorum conjecturæ & argumenta esse ullius momenti; non quod præfracte & mordicus velim tueri hujus libelli auctorem esse *Aristotelem*: ceu ipsi, cum eum lucubraret, affuissem, aut, quibus in lucem est editus, tem-poribus vixisset. Quippe & multa alia *Aristotelis* nomine vulgata fuisse didici ex *Laertio*, & de hoc libro *de Mundo*, an esset *Aristotelis*, Proclum addubitasse scio in quinto libro *Comment. ad Timaeum Platonis*. Οὐλε ὁ νῦν (inquit) τὸ παντὸς (supple ἐμαργέντιον 651) ὡς πάς Φησὶ πάλιν Αἰγιολέντιος, εἰπεις ε-

νείνε τὸ περὶ κόσμος Εἰλιον. i. Ut alicubi rursus dicit Aristoteles, si illius est liber de Mundo. Solum id, ut dixi, contendo, nihil in eo libello contineri, quod non sit placitis Aristotelis apprime consentaneum; ideoque probabilius Aristoteli asseri, quam abjudicari. Cum præsertim antiquiores Proclo auctores, neque sublestæ auctoritatis, hunc librum Aristotelis adscribant. Ita quidem Apulejus, qui & paraphrasi hunc illustrare haud dubitavit; floruit autem Apulejus, Hadriani Imperatoris principatu, æqualis aut superior Græcis Aristotelis interpretibus qui ad nos pervenerunt. Tum Justinus Philosophus & Martyr qui iisdem temporibus vixit, in eodem albo nomen profitetur suum, pariterque hujus libri Aristotelem auctorem censet, in priori oratione ad Græcos his verbis: Αριστολέης δὲ, ἐν τῷ πρὸς Αλέξανδρον τὸν Μακεδόνα λόγῳ, σύνθημόν τινα ἔχει φιλοσοφίας ἐκπίθεμεν Θεόν, σαφῶς οὐ φανερῶς τὴν Πλάτων Θεὸν εἶναι φασιν. Quæ verbi paulum detorta ab his, quæ in eo libro habemus: Οὐχ ᾧς τινες διὰ τὸ πυρώδη οὖσαν, αἰθεῖται, πλημμελοῦντες περὶ τὴν πλεῖστην πυρὸς ἀπηλλαγμένων δύναμιν. i. Non quidem ideo quod ignita flagret ipsa, ut aliqui censuerunt, plurimum utique aberrantes, circa potentiam illam, maxime ab ignea natura abhorrentem. Ut dubitari non possit quin hunc ipsum, quem habemus, librum de Mundo intelligat. Qui tamen fallitur, dum hæc tanquam de Deo dicta accipit, quæ ad Ætherem & naturam cœlestem pertinent: neque verum est Platonem ibi redargui, ceu is Deum esse in ignea substantia dixerit, quod nusquam reperimus apud Platonem; sed Anaxagoræ ibi opinio improbatum, qui igneam cœli naturam posuit, Ætheremque dictum παρὰ τὸ αἰθεῖται, ceu igne accensum. Quod nomine & Aristoteles eundem castigat lib. i. Meteor. cap. 3.

FINIS LIBRI II.

PETRI